



Халқ сўзи

Ўзбекистон — келажаги буюк давлат

2021 йил — Ёшларни қўллаб-қувватлаш ва аҳоли саломатлигини мустақамлаш йили

1991 йил 1 январдан чиқа бошлаган

WWW.XS.UZ

E-mail: info@xs.uz

2021 йил 24 декабрь, № 275 (8055)

Жума

Сайтимизга ўтиш учун QR-кодни телефонингиз орқали сканер қилинг.



ЎЗБЕКИСТОНДА ВИРТУАЛ ВА

ХАЛҚ ҚАБУЛХОНАЛАРИНИНГ ТАШКИЛ ЭТИЛИШИ КЎПЛАБ МАМЛАКАТЛАР УЧУН НАМУНА БЎЛА ОЛАДИ

Шавкат Мирзиёев Ўзбекистон Президенти лавозимига киришган илк кунларданок халқ давлат идораларига эмас, давлат идоралари халқимизга хизмат қилиши керак, деган тамойилни илгари суриб келмоқда.

Сўнгги беш йил давомида бу элпарвар тамойил давлатимиз сиёсатининг устувор йўналишига айланди. 2016 йил 28 декабрь куни давлатимиз раҳбарининг жисмоний ва юридик шахсларнинг муносабатлари билан ишлашга оид Фармони қабул қилинган эди. Ушбу ҳужжатта мувофиқ ташкил этилган Ўзбекистон Президентининг Халқ қабулхоналари ва Виртуал қабулхонаси фуқаролар билан мутасадди идораларни боғловчи тизимга айланди.

Дунё нигоҳи

Ўзбекистон Президенти ташаббуси билан аҳоли муносабатларини қабул қилиш бўйича Виртуал ва Халқ қабулхоналари тизими фаолияти халқро кенг жамоатчилик вакиллари томонидан ҳам эътироф этилмоқда ва қўллаб-қувватланяпти.



лантиришга алоҳида эътибор қаратганига бутун дунё ҳамжамияти гувоҳ бўлмоқда.

Ўзбекистон Президентининг виртуал ва Халқ қабулхоналари давлат ҳокимияти ва бошқаруви органлари фаолияти самарадорлигини чуқур таҳлил қилиш ҳамда баҳолаш мезонига айланди. Ушбу ноб тизим, ўз навбатида, давлат раҳбари томонидан илгари сурилатган "Инсон

қадрлари учун" тамойилига тўла мос келади.

Жаҳонда муқобили йўқ ушбу механизм туфайли мамлакатда давлат органлари ва мансабдор шахсларнинг жамият олдидаги жавобгарлигини, фуқароларга кўрсатилаётган ёрдамнинг мақсадли ҳамда манзиллилик самарадорлигини оширишга муваффақ бўлинди.

Тизим аҳолининг ҳуқуқий маданиятини юксалтиришга ҳам хизмат қилмоқда. Мазкур фикримни шу йил 24 октябрь куни бўлиб ўтган Ўзбекистон Президенти сайлови якуни яққол тасдиқлайди.

Мен Президент сайловида халқро кузатувчи сифатида иштирок этдим. Ўзбекистон халқининг ўз демократик сайлов ҳуқуқларидан қандай фойдаланаётгани менда катта таассурот қолдирди. Фуқаролар билан суҳбатлашганимда, уларнинг барчаси мамлакатда Шавкат Мирзиёев томонидан амалга оширилаётган ислохотлар самараларини эътироф этди. Жумладан, улар халқ билан доимий мулоқот тизимига айланган — Виртуал ва Халқ қабулхоналари фаолияти қисқа даврда аҳолининг энг яқин кўмакчисига айланганини таъкидлади.

Ўзбекистон аҳолисининг иқтисодий фаровонлиги кейинги йилларда сезиларли даражада ошди. Бундан кейин ҳам одамларнинг яшаш шароитлари янада юксалишига ишончимиз комил.

Фурсатдан фойдаланиб, Ўзбекистон халқига ўзининг энг эзгу тилакларини билдириш баробарида, кириб келаятган Янги йил байрами билан самимий муборакбод этаман.

Фариша Шам, Малайзия Миллий университети Ислом цивилизацияси институти директори:

— Жорий йилнинг октябрь ойида Ўзбекистонда бўлиб, мамлакатда амалга оширилаётган ўзгаришлар билан бевоқиф танишиш имкониятига эга бўлдим. Шунинг алоҳида таъкидлашни истардимки, республикадаги янгиликларни жараёни менда жуда катта таассурот қолдирди.



Республика Кенгаши йиғилиши

ЎЗБЕКИСТОННИНГ ҚАТОР ИНДЕКСЛАРДАГИ ЎРНИ ЯХШИЛАНДИ

Кеча Халқаро рейтинг ва индекслар билан ишлаш бўйича республика кенгашининг навбатдаги йиғилиши бўлиб ўтди.



Тадбирни Ўзбекистон Республикаси Олий Мажлиси Сенати Раиси, Халқаро рейтинг ва индекслар билан ишлаш бўйича республика кенгаши раиси Танзила Норбоева олиб борди. Видеоконференцада тарзда ўтказилган йиғилишда Кенгаш аъзолари, вазирлик ва идоралар мутасаддилари иштирок этди. Қайд этилганидек, 2021 йилда Ўзбекистон

учун устувор ҳисобланган Статистик салоҳият индекси, Жаҳон мамлакатлари демократияси индекси, Ҳуқуқ устуворлиги индекси, Рақобатбардор саноат унвдорлиги индекси, Глобал инновацион индекс, Бошқарув сифати индикаторлари каби бир қатор халқаро рейтинглардаги ўрни яхшиланди.



Қонун лойиҳаси — муҳокамада

ЭЪТИРОЗЛАРГА САБАБ БЎЛГАН НОРМАЛАР ТАКОМИЛЛАШТИРИЛАДИ

Олий Мажлис Қонунчилик палатасининг Саноат, қурилиш ва савдо масалалари қўмитаси томонидан навбатдаги ишчи гуруҳ йиғилиши бўлиб ўтди. Унда "Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида"ги қонун лойиҳасидаги нормалар обдан муҳокама қилинди.



Таъкидлаш жоизки, ушбу ҳужжат иккинчи ўқишга тайёрланмоқда. Қонун лойиҳаси билан капитал бозорига эмиссия қилинган қимматли қоғозлар савдо натижалари бўйича амалга оширилаётган ҳисоб-китоблар битта ташкилот доирасида амалга оширилади, хорижий марказий депозитарийлар ва халқаро ҳисоб-китоб депозитарийлари билан Ўзбекистон капитал бозори иштирокчиларининг ҳисоб-китоб операциялари бўйича тўғридан-тўғри алоқаси ўрнатилди.

Шу билан бирга, давлат иштирокидаги корхоналарда кузатув кенгаши, ички аудит хизмати, кузатув кенгаши таркибида аудит қўмитаси ташкил этилиши, мамлакат иқтисодиёти учун устувор аҳамиятга эга бўлган стратегик соҳаларга оид айрим акциядорлик жамиятларини бошқаришда давлат иштирокининг махсус ҳуқуқи (олтин акция) бекор қилиниши, ижро этувчи орган

ва кузатув кенгаши аъзолари ваколатларини бир йилдан уч йилгача узайтириш, давлат иштирокидаги корхона акциялари (улушлари)нинг камиди 5 фоизга эгаллик қилувчи акциядорлар (иштирокчилар)га асослар бўлган тақдирда, корхона молия-ҳўжалик фаолиятини корхона ҳисобидан наватдан ташқари ташқи аудитдан ўтказишни талаб қилиш ҳуқуқи берилмоқда.

Ишчи гуруҳи йиғилишида қонун лойиҳасини такомиллаштиришга қаратилган таклиф ва тавсиялар, эътирозлар билдирилган моддалар атрофлича муҳокама қилинди. Айрим моддалар маромига етказилди, айримлари лойиҳадан чиқарилди.

Қўмитада қонун лойиҳасини такомиллаштириш ишлари давом этмоқда.

«Халқ сўзи».

Ўзбекистон Республикасининг ҚОНУНИ

Тадбиркорлар кунини белгилаш тўғрисида

Қонунчилик палатаси томонидан 2021 йил 19 ноябрда қабул қилинган Сенат томонидан 2021 йил 15 декабрда маъқулланган

1-модда. 20 август Тадбиркорлар куни этиб белгилансин.

2-модда. Ушбу Қонун расмий эълон қилинган кундан эътиборан кучга кирилади.

Ўзбекистон Республикасининг Президенти Ш. МИРЗИЁЕВ

Тошкент шаҳри, 2021 йил 23 декабрь № ЎРҚ—739

Бирдамлик

АФГОНИСТОНГА НАВБАТДАГИ ИНСОНПАРВАРЛИК ЁРДАМИ

2021 йилнинг 23 декабрь куни Мозори-Шариф шаҳрида Ўзбекистон Республикаси томонидан Афғонистонга етказилган инсонпарварлик юкларини топшириш маросими бўлиб ўтди.



Ун, гуруч, шакар ва бошқа озиқ-овқатлар, биринчи навбатдаги зарурий товарлар, кийим-кечаклар, тўқимачилик маҳсулотлари, умумий оғирлиги 4 минг тоннадан зиёд кўмир ёқилғисидан иборат ушбу инсонпарварлик ёрдами ўзбек халқининг Афғонистонга наватдаги туҳфаси бўлди. Бу ҳақда Ўзбекистон Ташқи ишлар вазирлиги матбуот хизмати хабар қилмоқда.

Маросимда сўзга чиққан Афғонистон Муваққат ҳукумати ташқи ишлар вазири ўринбосари Шер Аббос Станикзай мамлакат учун оғир давларда кўрсатилаётган доимий эътибор, қўллаб-қувватлаш ва бирдамлик учун Ўзбекистон Президенти Шавкат Мирзиёевга бутун Афғонистонга ташқи ишлар вазирлиги матбуот хизмати хабар қилмоқда.



Нуктаи назар

ИЗЧИЛЛИК ФАЛСАФАСИ

Янги Ўзбекистоннинг ТАРАҚҚИЁТ СТРАТЕГИЯСИ — ИСЛОХОТЛАРНИНГ ХАЛ ҚИЛУВЧИ БОСҚИЧИ



Шарқ донишмандлари айтганидек, "Янгиликлар шамоли эсаётганда кимдир бошпана курса, бошқалар шамол тегирмони ясашади". Шу иборани замонавий Ўзбекистонга татбиқ этсак, мамлакатимиздаги ана шундай кучли тўлқин бор бўйича яратувчанлик фаолиятига йўналтирилди ҳамда у давлатнинг сиёсий, ижтимоий ва маданий ҳаётини тубдан ўзгартирди, деб бемалол айта оламиз.

Президент Шавкат Мирзиёев мамлакатимиз Конституцияси қабул қилинганнинг 29 йиллигига бағишланган табригида Янги Ўзбекистондаги ислохотлар энди ҳеч қачон ортга қайтмаслигини, янги давлат қуриш гоёси эса эл-юртимизнинг улкан интилиш ва иродаси билан умумхалқ ҳаракатига айланаётганини таъкидлади.

Давлатимиз раҳбарининг таъбири билан айтганда, орадан йиллар, асрлар ўтади, лекин гоёт қийин ва мураккаб, оғир синовли йилларда Янги Ўзбекистонни бунёд этишга муносиб ҳисса кўшган инсонларни келгуси авлодлар миннатдорлик билан эслайди.

Бундай теран мазмунли фикрни ёдда сақлаш ва унинг атрофида чуқур мушоҳада юритиш жуда муҳим. Айнан ҳозир биз яшаб турган давр негашунчалик ўзига хос, деф Ҳисобланмоқда? Ислохотларга ҳисса кўшиш ва чинакамига муносиб бўлиш учун яна нималар қилишимиз керак?



ОЛМАЛИҚДАГИ МЕГАЛОЙИҲА

яқин истиқболда нафақат ушбу шаҳар, балки бутун мамлакатимиз ривожига улкан ҳисса қўшади

Давлатимиз раҳбари куни кеча Тошкент вилоятининг Олмалик шаҳрида амалга оширилаётган йирик саноат лойиҳалари ва ижтимоий соҳа фаолияти билан танишиш, шунингдек, аҳоли вакиллари билан ўзаро мулоқот асосида қатор таклиф ва гоёларни илгари сурди.

Муносабат

Уларнинг ҳар бири нафақат Олмалик, балки бутун мамлакатимизнинг иқтисодий ва ижтимоий ҳаётида муҳим аҳамиятга эга экани би-

лан алоҳида ажралиб туради. Жумладан, Олмалик кон-металлургия комбинатида рўёбга чиқарилаётган янги лойиҳалар билан танишиш чоғида билдирилган таклифлар ҳам жуда қимматли бўлди.

Эътиборлиси, юртимизда ишлаб чиқарилаётган саноат маҳсулотининг 7 фоизи, экспорт ҳажмининг 15 фоизи айнан мазкур корхона улушига тўғри келади. Шу маънода, унинг фаолиятини янада кенгайтириш ишлаб чиқариш ҳажмини ошириш, иш ўринлари яратиш ҳамда одамларнинг турмуш даражасини кўтартиришга хизмат қилишни айтиш зарур. Шу боис ҳам корхонада илм ва технологияларга алоҳида эътибор қаратилмоқда. Бу сабаб ҳаракатлар самараси ишлаб чиқариш ҳажми йилдан-йилга ошиб боришида намён бўляпти.



